

Бекітемін:

«Күншуақ» жекеменшік

бөбекжай-бақшасы»

әдіскері: Жақсылықова А.Ә.

## «ҚАЗАҚСТАН ХАЛҚЫНЫҢ БІРЛІГІ КҮНІ»

(МАТ «Алтын сақа» тобына ұйымдастырылған мерекелік ертеңгілігі )



Тәрбиеші: Жамишова Г

Орысбаева А

Таушық ауылы , .30.04.2025ж

## **Ұйымдастырылған мерекелік ертеңгілік**

**Тақырыбы:** «Қазақстан халқының бірлігі күні»

**Мақсаты:** 1-Мамыр Қазақстан халықтарының бірлігі күні екенін балаларға айтып ұғындыру. Балаларды татулыққа, достыққа, елін, жерін сүйе білуге үйрету. Басқа ұлт өкілдерімен таныстырып олармен тату, достық қарым-қатынаста болуға тәрбиелеу.

**Көрнекілігі:** Әсем безендірілген зал, мерекелік шарлар, ұлттық киімдер мен жалаушалар.

**Жүргізуші:** Қайырлы күн құрметті қонақтар, құрметті ұстаздар!

Қазақстан Республикасының мекендеген ұлттармен ұлыстар достығы және бірлігіне арналған «Достығымыз жарасқан» тақырыбындағы мерекелік ертеңгілігімізге қош келдіңіздер!

Қазақ халқы - халқы жомарт, даласы дархан, орманы қарқан, таулары қалқан, болған ақ бесік ата мекені бар, сол мекенде жусанның жұпар иісін иіскеген, өздігінен ешкімге тиіспеген елміз.

Тілі бөлек болғанменен тілегі бір,  
Ұлы достық мәпелеген жүрегі гүл.

Қазақстан барлық ұлтқа шаңырақ,  
Шайқалмастан шаттығымыз тіреп тұр.

Ұлтаралық татулық арқасында бүгінде ел тыныш, жұрт аман. Осы берекеміз бұзылмағай. Қазақстанда тұратын барша ұлт арасындағы айнымас достығымыз мәңгілік болғай- дей отыра ортамызға

Қазақ халқының өкілдерін қошеметпен шақырайық.

1-Мамыр ынтымақ, бірлік күні жасасын! Ура-ура-ура!

Ендігі кезекті ұлттар достығы жайлы ертеңгілігімізді ашып беру үшін балабақшамыздың меңгерушісі: Мөлдір Балғабайқызына сөз береміз.

Нұрхан:

Достар тату-тәттіміз,  
Болса қолда тәттіміз.  
Біз бөлісіп жатамыз,  
Бәріміз дәм татамыз.

**Оркестр:** «Қара жорға» қасықпен

**Би:** «Өзбек биі»

Айжұлдыз:

Ынтымағы жарасқан береке күн,  
Арналатын ең тәтті ән- жырымыз.  
Татулық, достығың арта берсін,  
Құтты болсын бүгінгі мереке күн.

Жарас:

Достықты үлгі санаған,

Бір үйде біз тұрамыз.

Қалған ата-бабадан,  
Бірлік асыл мұрамыз.

Ақансері:

Ортақ болып ісіміз,  
Еңбек десе тынбаймыз.

Үлкен сыйлап кішіміз,  
Аға ақылын тыңдаймыз.

Асма:

Достық- шырағымыз,  
Достық-ұранымыз,  
Достық-туымыз,  
Достық әніміз.

Айзере: Дос болып түрлі халықтар,

**Хор: «Бірлігіміз жарасқандай»**

**Би: «Батыр»биі**

1-Мамыр мерекесі дүние жүзіндегі халықтардың достығы мен бірлігін атау күні. Біздің мемлекет бейбітшілікті жақтаушы, достықты жырлаушы, тыныштықты сақтаушы ел. Елімізде әр түрлі ұлттар тату- тәтті өмір сүруде. «Бірлігі жоқ ел тозады, бірлігі күшті ел озады» -деген халық мақалы біздің елге айтылғандай.

Мереке құтты болсын!

Жасайтұғын ғасырмын.  
Бақытшымын әлемге  
Ұмытылмас асылсын.

Нұралы:

Бейбітшілік ұраны,  
Жарқыраған алтын күн.  
Өн қанатты қыраны,  
Еркіндігі халқымның.

